

山東府縣志輯

中國地方志集成

光緒陵縣志  
民國陵縣續志



一坐落鴉虎寨後南北地一段大畝叁分柒毫伍絲每畝租價捌千共京錢貳千肆百陸拾文

一坐落鴉虎寨南東西地一段大畝伍分柒絲叁忽叁微每畝租價捌千共京錢肆千文

一坐落鴉虎寨南南北地一段大畝壹畝租價京錢捌千文

一坐落鴉虎寨南東西地一段大畝伍分貳絲伍忽每畝租價捌千共京錢肆千文

錢肆千文

以上共大畝地拾畝肆分柒釐伍毫叁絲叁忽柒微合官畝貳拾陸

畝壹分捌釐捌毫叁絲伍忽壹微

共租價京錢柒拾捌千伍百肆拾文

陵 縣 志 卷十一 學校志 義學 五十七

居仁鄉趙王寺義學 在寺內光緒元年設知縣戴杰勸諭紳耆李文照等

共捐錢置地貳拾伍畝貳分玖釐肆毫肆微又經原主王秀山監生孫安

監生曹遇春秦坦等共捐地捌畝玖分柒釐陸毫伍絲捌忽貳微統計地

叁拾肆畝貳分柒釐伍絲捌忽陸微計清管官統歸義學司事經管收租以

備延聘塾師修理房屋之用

義學田地租價細數附

一坐落鳳凰店西南南北地一段肆畝捌分陸釐玖絲叁忽柒微每畝租

價貳千共京錢玖千柒百貳拾文

一坐落鄭家莊東南南北地一段柒畝每畝租價貳千共京錢拾肆千文

一坐落鄭家莊東南南北地一段玖畝玖分叁釐伍絲肆忽柒微每畝租

價貳千共京錢拾玖千捌百陸拾貳文

一坐落陶家店東南南北地一段伍分每畝租價貳千共京錢壹千文

一坐落王四衙莊西南東西地一段叁畝貳毫伍絲貳忽每畝租價貳千

共京錢陸千肆文

一坐落王四衙莊西南東西地一段壹畝玖分玖釐陸毫柒絲伍忽每畝

租價貳千共京錢叁千玖百玖拾肆文

一坐落鳳凰店西南南北地一段叁畝玖毫每畝租價貳千共京錢陸千

拾捌文

一坐落陶家店西南南北地一段叁畝肆毫壹絲陸忽陸微每畝租價貳

千共京錢陸千捌文

陵 縣 志 卷十一 學校志 義學 五十八

一坐落秦家莊東南南北地一段玖分陸釐陸毫陸絲陸忽陸微每畝租

價壹千伍百文共京錢壹千肆百伍拾文

以上共官畝地叁拾肆畝貳分柒釐伍絲捌忽陸微

共租價京錢陸拾捌千伍拾陸文

陵縣志卷十二

祀典志序

吉凶軍賓嘉五者國之大紀而方志尤重祀典者治民事神固令長職也舊志雜之建置各家志書又或沿明之舊與今所

頒會典不合澤宮選祭之士視其儀而不審所自可乎爰準

大清會典及通禮所載擇其節目之要附以考聞俾隆禮由禮者習焉未附

寺觀亦以見其不在祀典過而存之云爾作祀典志第十二

陵縣志

卷十二

祀典志

縣縣志卷十二

祀典志

壇廟

社稷壇 在西門外社主土勾龍氏配稷主穀后稷氏配明制壇高三尺

方廣二丈五尺四出階各三級北向爲前前九丈五尺後旁各五丈級

以周垣出入以北門有庫房神廚宰牲房齋宿所神牌各一以木爲之

高二尺三寸廣四寸五分厚九分跌高四寸五分蘇漆青字

本朝定制社主以石稷主以木惟州縣所遵不盡如制今紀其略如此

大清通禮第七卷直省府州縣各建社稷皆社右稷左異位同壇歲以春秋

仲月上戊日致祭前期主祭官監陪祭官執事官各於公廡致齋三日

陵縣志

卷十二

祀典志

掃除壇壇內外祭之前夕掌灑潔備品物置案於神廚設香燭眠割牲

官公服詣案前上香行三叩禮畢宰人牽牲告胙遂割牲以豆取毛血

瘞於坎及祭雞初鳴執事入設案一於壇上正中北向陳饗二質和羹

簋二質稻粱簋二質黍稷籩四質形鹽棗栗鹿脯豆四質菁菹鹿脯芹

菹兔醢若不能備各就土所有以其類充案前設俎陳羊一豕一又前

設香案一陳祝文香盤鑪左設一案東向陳篚一質帛二尊一爵六

又設福胙於尊爵之次司祝一人司香帛二人司爵二人位案西東面

階下之東設洗當階爲主祭官拜位其後爲陪祭官拜位文東武西通

贊二人位階下左右糾儀官二人分位陪祭官左右均東西而漏未盡

主祭官及陪祭官朝服畢集壇外引贊二人引省盞官入壇備眠牲器

酒齊饌者告潔退左右引班二人引陪祭官入東西序立東班西面西

班東面引贊二人引主祭入至階下盥手通贊贊執事者各司其事贊

就位引贊引主祭官引班引陪祭官咸就拜位立贊迎

神引主祭官升詣香案前跪司香跪奉香主祭官三上香與贊復位引主

祭官降階復位立贊跪叩與主祭官暨陪祭官行三跪九叩禮贊初獻

引主祭官升詣

神位前跪司帛跪奉饋主祭官受饋恭獻仍授司帛與奠於案司爵跪奉

爵主祭官受爵恭獻仍授司爵與分詣社稷位前各奠正中皆退贊獻

祝引主祭官詣香案前跪陪祭官皆跪司祝三叩與奉祝文跪於右讀

曰維某年月日某官某致祭於

陵縣志

卷十一

祀典志 壇廟

社稷之神曰惟

神奠安九土粒食萬邦分五色以表封圻育二農而蕃稼穡恭承守土肅

展明禋時屆秋敬修祀典庶丸丸松柏繁磐石於無疆與黍苗佐神

倉於不隕尙 饗誠畢三叩與以祝文復於案退贊叩與主祭官暨陪

祭官三叩與贊復位引主祭官降階復位立贊亞獻引主祭官升詣

神位前獻爵於左贊終獻獻爵於右均如初獻儀贊賜福胙引主祭官升

詣香案前跪司爵跪進福酒於右主祭官受爵拱舉司爵接爵與司饋

跪進豆肉於左主祭官受豆拱舉司饋接豆與各退贊叩與主祭官三

叩與贊復位引主祭官復位立贊送

神贊跪叩與主祭官暨陪祭官行三跪九叩禮贊徹饌執事官徹饌贊

祝帛執事官奉祝次香次帛次饋詣壇所禮畢各退州縣官以官主之民官有故則佐或以大儀在

城文武亦文武官祀禮皆與禮制性者靈靈以禮若各一人糾儀以執禮禮二人執事用禮史贊相以學弟子員

神祇壇 舊志曰風雲雷雨壇在南門外考明制曰風雲雷雨山川壇康

熙間會典猶仍其稱然考明史嘉靖間近有神祇之稱有司祭牌仍用

洪武舊制乾隆間頒

大清通禮始定制曰神祇壇以祀雲雷雨風雷山川城隍之神蓋前六而今八

而天神次序亦異今之方志多沿明舊山東通志刊於乾隆元年故引

會典之文迄非今所遵行矣壇高二尺五寸方廣二丈五尺四出各有

階南階五級東西北皆三級四面各十五丈綴以周垣出入以南門神

牌制如社稷用木

陵縣志

卷十一

祀典志 壇廟

大清通禮卷十三直省府州縣各建神祇壇祀雲雷雨風雷境內 山川城隍之

神歲春秋仲月諷吉致祭在城文武各官皆與致祭之禮設案一於壇

正中南向雲雷雨風神位居中境內山川神位左城隍神位右陳設鋪

一制帛七爵二十有一異焉餘皆與社稷同祭日有司供具執事人豫

入序立引班引陪祭官入贊引主祭官入通贊贊執事者各司其事贊

就位引主祭官至階下盥手就拜位立陪祭官按班就東西拜位立均

北面迎

神上香讀祝行三獻禮祝辭曰惟某年月日某官某致祭於

雲雷雨風

山川

等官所屬之民皆共農夫祭祭 先農之神無九廟耕籍行九推其藉田所收米粟穀種收貯以  
供各該處祭祀之用

厲壇在北門外瀋澤園西按明洪武八年定制設壇北郭外周圍五丈五  
尺高二尺四寸前出陛三級繚以周垣門南向通禮道省府州縣歲三  
月寒食節七月望日十月朔日祭厲壇於城北郊前期守土官飭所司  
具香燭公服詣

神祇壇以祭厲告

城隍之位上香跪三叩首興退至日所司陳羊二豕三米飯三石尊酒楮

帛於祭所設燂爐於壇南黎明禮生奉請

城隍神位入壇設於正中香案一鎗鏡具贊禮生二人引守土官公服詣

神位前贊跪守土官跪贊上香守土官三上香贊叩興守土官三叩興退

陵 縣 志

卷十一

祀典志 壇廟

六

執事者於楮帛守土官詣燂爐前祭酒三爵退禮生仍奉

城隍神位還

神祇壇退

祝文

維某年月日某官某致祭於

邑厲壇之靈曰普天之下明則有人幽則有鬼陰陽雖殊其禮則一竊念

冥冥之中有等無主孤魂或因天災流行而死者或因人欲被陷而死

者或因桎梏而死者或因盜賊而死者或因地震而死者或陷於水火

而死者或墮傾屋頽而死者或車碾馬踏而死者或狼噬虎傷而死者

或落河投井而死者或刎死者或氣死者或縊死者或捐軀報國陣亡

城守而死者此等孤魂冤鬼種種不一或呻吟於星月之下或叫號於  
風雨之中言念及此胡不憐傷今逢令節潔除壇壝恭備饌物凡我境  
內無主孤魂悉來受祭尚 鑒

關帝廟 一在東關外邑人宋進忠同山西行商建不詳年月雍正三  
年西商柴世楷王永晉等修乾隆四十七年知縣趙王槐重修並有碑  
記今後殿圯一在西門內康熙八年知縣史嗣廷捐資重建置地六畝  
為香火資一在城隍廟東按關帝元封顯靈威勇武安英濟王明初復  
漢壽亭侯關公廟萬曆二十二年賜額曰英烈廟順治九年

勅封忠義神武關聖大帝每歲五月十三日致祭雍正三年

詔令天下府縣春秋祀關帝以太牢又追崇三代

陵 縣 志

卷十一

祀典志 壇廟

七

封曾祖為光昭公祖為裕昌公父為成忠公並置主於後殿一體致祭五年太

常寺奏定五月十三日祭品祀後殿以公禮不用太牢乾隆二十五年

山東按察使沈廷芳以易證上請奉

旨定曰神勇三十二年又

勅封忠義神武靈佑關聖大帝嘉慶十九年正月因殲擒逆匪林清

欽加封號仁勇二字曰忠義神武靈佑仁勇關聖大帝道光八年二月因生擒

逆回張格爾

欽加封號威顯二字曰忠義神武靈佑仁勇威顯關聖大帝

大清通禮卷十四直省府州縣祭

關帝之禮歲均以春秋仲月諏吉及五月旬有二日致祭前殿主祭以地

方正官一人後殿以丞史執事以禮生祭日陳設前殿神位前牛一羊一豕一豮一翎二簋各各十鐘一磬二殿中設一案少西北向供祝版東設一案陳禮神制帛一色香盤一尊一爵三牲陳於俎帛實於簠尊實酒勺具設樂於西階上鼓一笙一管二雲璈一篳二板一設洗於東階上承祭官拜位在殿內正中司祝司香司帛司爵典儀掌燎各以其職爲位如常儀質明承祭官朝服詣廟贊引二人引承祭官由廟左門入至東階上盥手畢進殿東詣拜位前立典儀贊執事官各共通職贊引贊就位承祭官就位立典儀贊迎

神樂作贊引詣上香位引承祭官就香案前立贊上香司香奉香承祭官上炷香三上瓣香畢贊復位引承祭官復位立贊跪叩興承祭官行三跪九叩禮興通贊贊奠帛爵行初獻禮有司揭尊勺挹酒實爵樂作司帛奉篚司爵奉爵各進至

神位前司帛跪奠篚於案三叩興司爵立獻爵於案正中各退司祝詣祝案前跪三叩興奉祝版跪案左樂暫止贊引贊跪承祭官跪司祝讀祝辭曰惟某年月日某官某致祭於

忠義神武靈佑仁勇威顯闡聖大帝之神曰惟帝浩氣凌霄丹心貫日扶正統而彰信義威震九州完大節以篤忠貞名高三國

神名如在通祠宇於靈區靈應不昭薦馨香於歷代屢徵異蹟顯佑羣生恭植仲秋嘉辰遵行祀典筵陳籩豆几奠牲醴尙 贊司祝讀祝畢興以祝版跪安於篚內叩如初興退贊引贊叩興承祭官行三叩禮興典

陵縣志

卷十一

祀典志 禮制

八

儀贊行亞獻紅獻禮司爵左右獻得如初獻儀通贊贊徹樂作徹饌畢贊送

神贊引贊跪叩興承祭官行三跪九叩禮興樂止典儀贊奉祝帛饌送燎執事奉祝帛香饌以次送燎如儀贊望燎贊引引承祭官詣燎位既燎禮畢樂止承祭官及執事人皆退同日祭後殿

光昭公位中

裕昌公左

成忠公右均南向位各異案每案羊一豕一翎二簋各各一鐘一磬二殿中設案少西北向供祝版東西各設一案分陳禮神制帛三色香盤三爵九尊三俎鐘勺具設洗於後垣門內甬道東承祭官位贊

下正中司祝司香司帛司爵通贊掌燎各以其職爲位如常引質明承祭官由前左門入後垣中門盥手升階就位迎

神引詣正位前上香畢以次左右位前上香復位行三跪六叩禮初獻讀祝辭曰維某年月日某官某致祭於

關帝之

曾祖光昭公

祖裕昌公

父成忠公曰惟

公世澤庇庶靈源積慶德能昌後篤生神武之英善則歸親宜享尊崇之報

列上公之封爵

陵縣志

卷十一

祀典志 禮制

九

北極佑聖真君之禮每歲

萬壽聖節遣官詣祭設果盤五餅餌盤十有五茶三瓊制帛色無州縣致祭之禮

火神廟 在南門外祀大辰以闕伯配趙宋時封宣明王

國朝稱司火神

大清通禮歲以季夏下旬三日遣官致祭

司火之神牲太牢果實五盤帛色儀如祀顯佑宮禮不載直省府州縣祀

禮今以少牢

按春秋傳古之火正或食於心或食於昧故心為大火昧為鶉火火亦

星辰熒惑為之主木天神也而配以神鬼秦漢時祀為五帝五神炎帝

陵縣志

卷十一

祀典志 祠廟

十二

祝融是也又祀燧人氏司燧氏唐以後別立火神廟舊制祀大辰以闕

伯配大辰即心宿也闕伯陶唐氏之火正也宋時封宣明王今立廟惟

稱火神

祝文附

維某年月日某官某致祭於

火神之神曰惟

神乘日之精居陽之位生由地二配

上帝於五方序列惟三畫伏羲之八卦資飲食而既濟四海生活佐星月以

成化萬世普光功德無遠而不被馨香有感而必通伏冀居歆永垂慈

鑒尚

鑒

東嶽廟 在學宮後明知縣甘元構建按東嶽亦曰天齊廟本祀在泰山

史記齊之為齊以天齊也秦八神之祠其一天主祀天齊天齊淵在臨

淄南郊山下後世移之泰山宋祥符中遂有仁聖天齊王之封又進王

為帝元時加號天齊大生仁聖帝明洪武七年詔去封號改稱東嶽泰

山之神

國朝因之

大清通禮

萬壽聖節遣官致祭用太牢無州縣致祭之禮

城隍廟 在縣治西大殿三楹寢宮三楹東西兩廊各七楹中二門前大

陵縣志

卷十一

祀典志 祠廟

十三

門成化間重修嘉靖間屢修康熙十一年多大殿圯知縣史勵廷捐俸

倡修十二年秋告成買隙地成方線以周垣

按城隍本壇祀其字義始見易經齊梁時有城隍祠祀之名唐令天下

通祀城隍各立廟明初府封威靈公縣封顯佑伯

國朝稱城隍之神

大清通禮有都城隍之祀每歲

萬壽聖節舉用太牢帛色白不載直省府州縣之祀今用少牢其位任詣廟

朔望行香皆沿明制

祝文附

維某年月日某官某致祭於

城隍之神曰

詔命臨民職司守土惟兆人之攸賴並藉神功冀四序之常調蒙福蔭必使雨暘應候爰占物阜而民安庶其寒煖咸宜共慶時和而歲稔仰靈

禱之默運聿集嘉祥襄元化以流行俾無蕪害尙 鑒

龍子廟 在西門外嘉靖三年知縣孫昂創建時早蝗並作吳步禱諸祠

遂獲甘雨因命耆老立廟焉按通志福齊惠應龍王廟

國朝雍正五年奉

旨頒送神像特建祠於山東省城歲時致祭凡屬縣廟祀義宜從同

大清通禮祭各

龍神之禮春秋諫吉用少牢帛色各不同

陵 縣 志

卷十一

祀典志 祠廟

十四

黑龍王廟 在縣南十里創自有明遇旱乾祈禱多應道光五年知縣恩

福建鍾樓額曰靈應十五年知縣林之彥捐俸令耆民郭嵩等重修額

曰普濟羣生十六年巡撫鍾祥並題額曰誠應和甘按

京師黑龍潭龍神

封昭靈沛澤龍王之神雍正時亦頒像於山東以祈雨陵縣廟亦因此建祀

禮同前

祝文

維某年月日某官某致祭於

龍神之神曰惟

神德洋洋海澤潤蒼生允襄水土之平經流順軌廣濟潤泉之用膏雨及

時績奏安瀾占大川之利涉功資青物欣庶類之蕃昌仰藉

神庥宜隆報享謹遵祀典式協良辰敷布凡筵肅陳性幣尙 鑒

增福廟 在儀門左祀土神一在城隍廟東按

大清通禮祀后土神之禮凡大興作諫吉設二壇為蒸殿用少牢祀與城隍

同

馬神廟 在府館東康熙十年知縣史巖廷重修按會典每歲九月初一

日祭

馬王之神周禮春祭馬祖夏祭先牧秋祭馬社冬祭馬步馬祖天廟房屋

也先牧始養馬者馬社乘馬者馬步謂神之災害於馬者今惟一祭驛

內亦有歲二月二日六月二十四日九月九日冬至日四次致祭

陵 縣 志

卷十一

祀典志 祠廟

十五

呂祖閣 在城東韓家莊西頭按

大清通禮直省所在神祠之禮祭

變元費運寅正警化孚佑純陽帝君於清河濟南孟夏月一日祭

八蜡廟 在西門內按禮天子大蜡八一先蒿二司蒿三先農四郵表畷

五貓虎六防七水庸八昆蟲先蒿者神農也司蒿者后稷也農神田畷

也郵表畷者畷井田間道也為畫疆分理若郵亭之為表於畷祀其始

事之人也貓食田鼠虎食田豕迎其神而祭之也司防者謂昔為隄防

之人使吾禦水患也水庸者謂昔為畝澆溝洫之人使吾備旱潦也昆

蟲者謂蝗蝻蝻蝻之屬有所司之神能驅除之也詳禮記郊特性

篇陳浩謂有百種無昆蟲與郵莊異又伊祁氏始為蜡蜡索也歲十二

月合聚萬物而祭之也夏后氏更名嘉平殷曰清祀周復大蜡秦漢曰臘以十二月致祭後世定以上旬八日牲用少牢川縣主之

劉猛將軍廟 在西門內雍正間立按山東通志周禮族師春秋祭醜醜

與步同爲人物災害之神宋紹興中議舉醜祭蝗蟲爲災則祀之今之

祀劉亦祭醜之遺制也倪陽縣志謂是元末指揮諱承忠吳川人弱冠

從戎嘗揮劍逐蝗自投境外已而殉國難沈於河明洪武時有司奏

請立廟沂州府志以爲宋劉武穆公綺盛百二引怡菴雜錄載宋景定

四年勅略云邇年以來飛蝗犯境漸食嘉禾民不能祛吏不能捕賴爾

神力掃蕩無餘爾故提舉江州太平興國官淮南江東浙西制置使劉

錡今特勅封爲揚威侯天曹猛將之神以爲解武穆公者有據然各郡

陵縣志

卷十一

祀典志 祠廟

十一

廟貌並爲弱冠之容則饒陽志爲是故通禮從之按通禮卷十六致祭

直省所在專祠之禮祭猛將軍劉承忠於各直省府州縣致祭每歲春

秋所在守土官具祝文各隨時香帛羊一豕一豚一爵三陳設祠內如式

質明守土正官一人朝服詣祠行禮儀節與直省祭關帝同

祝文

維某年月日某官某致祭於

將軍之神曰惟

神乾坤之秀川岳之英氣配道義正直聰明禦災捍忠作民之屏維茲嘉

種更衍生成風馳電掣騰騰潛形三時不害九穀咸登民食其德胥匡

以生是用報享蘋藻流馨明禮祀事赫聲濯靈察察惟我

神實福我民叨職守土保赤心誠念民艱食倍切水鏡爰薦明水祝版言

情神之聽之既和且平自茲以往永協休徵蝗蝻不發糗糈不興黍與

稷絮伴及秋成築場納稼如坻如京屢豐獲告百室攸盈我之懷矣昭

格來歆尚 饗

藥王廟 在城隍廟東謹按

大清會典每歲春二月冬十一月上甲日致祭先醫廟藥王章慈藏位列西

廡第七卽茲所祀是也

增福財神廟 在藥王殿後

土地祠 在城隍廟大門西

獄神祠 在獄內按聖廟開談以祀臯陶首虞擘曰古祀於大理庭後世

陵縣志

卷十一

祀典志 祠廟

十七

祠遍犴犴爲爨已其會典無此祀今外縣以典史主之

蕭曹廟 在縣治儀門內樞史所建以祀制律之祖

名宦祠 在崇聖祠前康熙十二年知縣史鳳廷重建祀明孫昇宋文明

南拱極覆棟

國朝王三元劉斯廟

祝文

維某年月日某官某致祭於

名宦諸公之靈曰惟

宦惠留棠野澤溥花封崇功報德配祀靈宮敬修歲事來格於庭尚 饗

鄉賢祠 在名宦祠前祀漢東方朔彌衡三國管輅晉劉實南北朝劉峻

元張佑明邢端石維屏蘭剛中

國朝盧運昌康懋采康廉采谷資生王服經按明洪武四年始詔天下學校

各建先賢祠左祀賢牧守令右祀鄉賢雍正元年令古今聖賢忠臣烈士

名宦鄉賢載在祀典者有司歲時致祭定制設祠於學宮內亦以仲丁日

致祭

祝文

維某年月日某官某致祭於

鄉賢之靈曰惟

賈鍾英岱岳名世挺生才全德備武緯文經國之股肱邦之儀型崇功報

德配祀靈宮敬修歲事來格於庭尙 鑒

陵縣志

卷十一

祀典志祠廟

十八

又按彌衡平原般人今管轄平原人劉實平原高唐人今劉峻平原

人考之沿革皆不在陵縣然久祀鄉賢有畢莫廢今從舊志載其事跡

於此亦高山仰止之思也餘俱見人物傳

彌衡字正平少有才辨氣尚剛傲素輕曹操操召為鼓吏令改服衡先

解和衣次釋餘服裸身而立徐取岑牟單絞著之顏色無作操笑曰本

欲辱衡衡反辱孤後為黃祖所害有鸚鵡賦

管轄字公明明周易仰觀風角占相之道無不精微舉秀才與何晏論

易九事皆明又言安與鄧颺必敗未幾皆誅官少府丞卒

劉實字子真少貧手約繩口誦書博通古今清身潔己以世多進趨廉

退道缺乃著崇讓論拜司空轉太傅卒諡曰元

劉峻字孝標讀書嘗燈麻炬從夕達旦齊永明中奔江南聞有異書必

往祈借清雒懋祖謂之書淫梁武帝招文學之士峻不能與眾浮沈

故不任用著辨命論以寄懷諡元靖先生

忠義孝弟祠在鄉賢祠前祀明張山李勉王日謹張所繼康福壽李日升

康灝曹魁光谷應舉

節孝祠 在明倫堂西南崇祀姓氏具列女志以上四祠皆乾隆四十年

知縣趙王槐修按雍正元年令直省州縣分別男女每處各建二祠一

為忠義孝弟之人刊刻姓氏於其上已故者設立牌位一為節孝祠另

擇地營建祠門外建大坊一座將前後節孝婦女標題姓氏於其上已

故者設立牌位春秋二季俱附學宮致祭

陵縣志

卷十一

祀典志祠廟

十九

大清通禮直省府州縣忠義孝弟節孝名宦鄉賢四祠春秋釋奠禮畢教諭

一人公服詣祠致祭是日執事人入陳羊一豕一簋四豆四醴一饌二

陳祝文於案左陳壺一爵三帛一香盤一於案右引贊二人引主祭官

詣案前北面立禮生自右奉香盤三上香訖引贊贊跪叩興主祭官跪

三叩首興禮生自右授帛受拱舉仍授禮生獻案上禮生酌酒實爵自

右跪授爵受拱舉仍授禮生與獻於正中讀祝畢執事的酒獻於左又

酌獻於右退贊跪叩興跪三叩首興

忠義孝弟祝辭曰惟

靈乘賦貞純躬行篤實忠誠奮發黃金石而不移義問宣昭表鄉閭而共

式祇事懋彝倫之大性擊我萬克恭念天顯之親情殷棣萼模楷咸推

夫懿德

繪恩特闡其幽光祠宇維隆歲時式祀用陳尊簋來格几筵尙 饗

節孝祝辭曰惟

靈純心皎潔令德柔嘉矢志完貞全閨中之亮節竭誠致敬彰閨內之芳

型茹冰蘗而彌堅清操自勵奉盤匱而匪解篤孝傳徽

絲綸特沛乎殊恩祠宇昭垂於令典祇循歲祀式薦尊醴尙 饗以上二載文獻  
鑿省州縣與順

天通加名官碑實二  
祠各省賦類不同

境內各祠廟

天齊廟 在城東北十二里孟家莊東後有千佛閣康熙間重修

碧霞元君廟 在東關外按東嶽天齊碧霞元君一神而異名也

陵縣志

卷十一

祀典志 祠廟

二十一

娘娘廟 在城隍廟大殿西祀碧霞元君及痘疹諸神

三義廟 在西關外

玉皇廟 舊在三官廟前至嘉靖二十七年移建東城墀內

玉皇廟 在孟家莊西廟建於神塚上高聳遠眺可十餘里

王官廟 在城東北三十五里祀東嶽天齊內有闍羅與藥王痘神諸殿

及土地祠

張家廟 在城東三十五里地名三迴河祀天仙聖母內塑闍羅王十像

漢大中大夫東方朔先生祠 在城東北二十五里神頭鎮寶字記曰在

祀典宋熙甯間封智辨侯者也

唐平原太守顏魯公祠 在文廟西康熙七年地震圯十年知縣史鳳廷

重修

趙公祠 在顏魯公祠後乾隆四十七年陵民建祀縣令趙王槐

附寺觀

乾明寺 縣治後

興國寺 北門內

觀音寺 在西關

法華寺 城東四十五里滋博店東

大菴寺 城東四十里四無莊村

興慶寺 城東二十二里名草寺

忘路寺 城東北十五里千家集北連德州界

陵縣志

卷十一

祀典志 寺觀

二十一

興隆寺 城東北三十五里今名周家寺北三里德州界

石佛寺 城東南廿五里馬姚塢北今名彭長戶寺

趙王寺 城東南二十三里鳳凰店東南

福聖寺 城東南三十五里

元明寺 城東南四十里盤河街

迴龍寺 城東三十五里鴉虎寨西北沙河之東

曉明寺 城東十五里

龍興寺 城東北二十五里在神頭店北三里今名田家寺

徘徊寺 神頭店東里許

馬家寺 城東四十五里徐家店正西

陵縣志卷十一增

祀典志

關帝廟 咸豐二年粵匪攻撲廣西桂林府城

神威助順城圍差巡撫鄒鳴鶴奏請加上

封號奉

旨加封護國三年粵匪圍攻河南開封府城

關帝顯靈巡撫陸應穀奏請加上

封號奉

旨加封保民四年四月奉

諭旨

陵縣志 卷十一 祀典志 祠廟 二十三

關帝升入中祀山翰林院撰擬樂章並春秋二季及五月十三日告祭祝

文通行各直省一體遵照辦理四年六月廣東省城各門外逆匪突起

攻撲城垣

關帝顯應得保無虞韶州新會三水龍門各府縣均被股匪圍撲嬰城固

守亦賴

神靈默助得以保全六年總督葉名琛巡撫柏貴奏請加上

封號奉

旨加封精誠七年四月奉

諭旨

關聖大帝神牌改寫

關聖帝君清書關字帝君字均還音聖字繕清

祝文

惟

神星日英靈乾坤正氣允文允武紹聖學於千秋至大至剛顯神威於六

合仰聲靈之赫濯崇典禮於馨香茲當仲秋用昭時享惟祈

昭格克鑑精虔尙 饗

惟

神九字承麻兩義合撰崧生獄降湖誕聖之靈辰日午天中屆恢台之令

序聰明正直壹者也千秋徵辟之隆盛德大業至矣哉六幕肅馨香

之薦爰循懋典式展明禋茲芬時陳精誠

陵縣志

卷十二

祀典志 寺觀

二十四

鑒格尙 饗五月十三日告祭祝文

樂章

格平之章迎 神

懿鏢兮焜煌

神威靈兮赫八方偉烈昭兮累禮祀事明兮永光達精誠兮黍稷馨香儀

如在兮洋洋

翊平之章奠帛初獻

英風颯兮

神格思紛綺蓋兮龍旂料桂醕兮盈卮香始升兮明燻惟降鑒兮在茲景

祚兮翊昌時

恢平之章亞獻

觴再酌兮告虔舞千戚兮合宮懸歡茲芬兮潔籥扇統顯翼兮

神功宣

靖平之章終獻

鬱鬱兮三申羅篋蓋兮畢陳儀卒度兮肅明禋

神降福兮宜民宜人

彝平之章徹饌

物惟備兮咸有明德惟馨兮

神其受告徹兮禮終罔咎佑我家邦兮孔厚

康平之章送 神奏其一望燎奏其二

陵縣志

卷十二

祀典志 祠廟

二十五

幢葆歲幾兮

神聿歸馭風軫兮驟虬駢降網組兮餘粉緋願回靈盼兮德洽明威其一

焜蒿烈兮燎有輝

神光遙燭兮祥雲霏祭受福兮茂典無違庶揚駿烈兮永奠端畿其二

關帝廟後殿 咸豐五年七月奉

上諭

關帝

曾祖光昭公著加封為光昭王

祖裕昌公著加封為裕昌王

父成忠公著加封為成忠王應行更換各祝文交翰林院撰擬其牲牢酒醴

蓬豆蠶蠶一切祭品均與

文廟

崇聖祠同

祝文

惟

王世澤覃麻令儀裕後靈鍾河嶽篤生神武之英誠溯淵源宜切尊崇之

報班得超躬桓而上升香肅俎豆之陳茲際仲秋爰修祀事尙祈

昭鑒式此茲芬尙 饗

惟

王迪德承家崇仁昌後松生嶽降職毓聖之有基木本水源宜推恩之及

陝 縣 志

卷十一

祀典志 廟廟

二十六

遠封爵特超於五等馨香永邁於千秋際仲夏之屆時命禮官而將事

惟祈

昭格鑒此精虔尙

饗五月十三日告祭祝文

文昌廟 咸豐六年奉

旨升入中祀由翰林院撰擬樂章並春秋二季祝文通行各直省一體遵照辦

理七年四月奉

諭旨

文昌帝君神牌清書文昌字緝清帝君還音

祝文

惟

神道闡苞存性敦孝友並行並育德侔天地以同流乃聖乃神教炳日星

而大顯仰鑒觀之有赫示明德之惟馨茲當仲秋用昭時享惟祈

款格光鑒精虔尙 饗

惟

神功參稟箴撰合乾坤溯誕降之靈英三台紀瑞慶中和之令節九宇承

暉若日月之有光明闡大文於季友如天地無不覆載感至治於馨香

爰舉上儀敬陳芳薦精禋罔敷

神鑒式臨尙 饗二月初三日告祭祝文

樂章

丕平之章迎 神

陝 縣 志

卷十一

祀典志 廟廟

二十七

乘氣兮靈附翊文運兮赫中天蠟旌兮戾止雕俎兮告虔迓

神庥兮於萬斯年

似平之章奠帛初獻

神之來兮篚簋式陳

神之格兮几筵式親極昭彰兮靈既致緇潔兮明禋升香兮伊始居歆兮

佑我人民

煥平之章亞獻

再酌兮瑤觴燦爛兮庭燠之光申虔禱兮

神座儼步降兮

帝旁柔醴潔兮齊邀將綏景運兮靈長

晏平之章終獻

禮成三獻兮樂奏三終覃敷元化兮繁

神功馨香達兮肝鬢通款明德兮照察寅衷

晏平之章徹饌

備物兮維時告徹兮終禮儀

神悅懌兮鑒在茲垂鴻佑兮累洽重熙

蔚平之章送 神奏其一望燬奏其二

雲駉駕兮風旗招

神之歸兮天路遙瞻翠葆兮企丹霄願迴靈眷兮福我朝其一

網緝降兮元氣和

陵縣志

卷十二 祀典志

祠廟

二十八

神光燭兮梓潼之阿化成者定兮稟弓戢戈文治光兮受福則那其二

劉猛將軍廟 咸豐七年奉

上諭劉猛將軍為驅蝗正神廟祀有年尙無封號

淑封保康同治四年伊犁將軍明緒奏伊犁地方

神靈顯應蝗不為災請晉加

封號奉

旨加封普佑

祠廟

關帝廟 在北門內咸豐九年知縣傅以凝重修

文昌廟 同治六年知縣樊維垣修

奎星樓 道光三十年知縣傅以凝修同治十一年知縣戴杰重修添建

文筆峰於奎星樓東

龍王廟 同治五年知縣樊維垣修

風雲雷雨廟 南門外壇久廢遂設 神牌於趙公祠同治十三年知縣

戴杰在城隍廟東建廟

碧霞元君廟 同治九年提督王心安駐軍於此重修

火神廟 在南門外久圯移供 神牌於北門內關帝廟同治十一年知

縣戴杰按離宮在南應文明之象仍於原舊基址重建

城隍廟 咸豐七年知縣孫善述修葺殿宇同治年間屋宇傾圮十二年

知縣戴杰重修

陵縣志

卷十二 祀典志

祠廟

二十九

慈雲觀 在城隍廟西同治十三年知縣戴杰建

名宦祠 節孝祠 同治十一年知縣戴杰重建

顏魯公祠 趙公祠 同治十年知縣戴杰重修

土地 藥王 財神祠 在城隍廟內殿東同治十三年知縣戴杰建

痘疹 眼光 送子觀音祠 在城隍廟內殿西同治十三年知縣戴杰

修

陵縣志卷十三

禮儀志序

禮有五經莫重於祭祀典志載之詳矣更有通行州縣可使民庶觀感者

曰祝

祭曰讀禮曰迎春曰耕藉曰鄉飲曰鄉射曰賓興凡此者皆本尊君親上之心

而行其興養立教之治陵縣風俗淳樸東近齊而不善誇詡北近燕而不

涉悲歌順于民心因勢而利導之其彬彬有武城單父風乎作禮儀志第

十三

陵縣志

卷十三 禮儀志

陵縣志卷十三

禮儀志

祝

贊

直省各府州縣衙皆有祝贊之所凡遇慶賀禮典皆於此望闕拜祝於

縣治北真武廟中作公所豫於大殿正中恭設

龍亭恭奉

皇帝萬歲牌於亭南向設香案於亭之南其日五鼓設燎於庭設燈於門廡

知縣及在城文武各官皆朝服舉會文東武西立位東西而北上拜位北

面東班西上西班東上齊班前立行三跪九叩首禮畢坐班引退

陵縣志

卷十三 禮儀志 祝贊讀法

讀法

每月朔望奉例於儒學前宣講

聖諭廣訓

宣講儀注選老成正一人為約正樸實謹守者三四人直月按期知

縣公服莅集所部民宣講

聖諭律文內民俗易犯者咸宣示之教官亦隨時宣導各鄉莊縣官不能徧

到則教官隨時下鄉宣講

迎春

先期於東郊造芒神土牛如立春在十二月望後芒神執策當牛肩在

正月朔後當牛腹在正月望後當牛膝示民農事早晚立春前一日知